

Thirrje për Ekspert/e

Ekspert për Zhvillimin e Strategjisë së brendshme të organizatës për Mbrojtjen e Fëmijës
(2023-2027)

Termet e Referencës

Hyrje

Syri i Vizionit (SiV) është regjistruar zyrtarisht si organizatë joqeveritare lokale në shtator të vitit 2001, por ka filluar të funksionojë edhe më herët, që nga viti 1999, si Organizatë e Bazuar në Komunitet (CBO) në komunën e Pejës. Që nga fillimi, motoja e organizatës ka qenë “Mendo globalisht, vepro lokalisht”, të cilës organizata i ka qëndruar besnike. Misioni i organizatës është “Zhvillimi i komunitetit të njerëzve, grupeve joformale, organizatave, rrjeteve, institucioneve dhe donatorëve përmes avokimit, shkëmbimit të informacionit dhe ndërgjegjësimit” dhe SiV përmes veprimit të saj dëshmon se është një organizatë që kryen veprime lokale bazuar në praktikat më të mira.

II. Informata të përgjithshme

Syri i Vizionit (SiV) është duke zbatuar projektin “ **Detyrimi ynë për të ardhmen – Mbrojtja e Fëmijëve dhe Qeverisja e të Drejtave të Fëmijëve** në partneritet me Save the Children zyra në Kosovë (SCiK), mbështetur financiarisht nga Sida. Ky projekt ka për qëllim rritjen e ekspertizës dhe kapaciteteve të OSHC-ve, për të avokuar për të drejtat e fëmijëve dhe për t'i mbajtur udhëheqësit përgjegjës që të ofrojnë qasje të barabartë në sisteme cilësore të mbrojtjes së fëmijëve dhe mekanizma të të drejtave të tyre, si dhe të krijohen kushte dhe mundësi që fëmijët të organizohen dhe të shprehin çështjet e tyre në interesin e përbashkët.

Në kuadër të programit tematik në fushën e mbrojtjes dhe qeverisjes me të drejtat e fëmijëve , po punohet në parandalimin e dhunës dhe ndëshkimit trupor ndaj fëmijëve në çdo ambient, krijimin e mekanizmave apo instrumenteve miqësore dhe të besueshme ndaj fëmijëve për të raportuar rastet e dhunës në shkollë, fuqizimin e grupeve të fëmijëve përmes Asambleve Komunale të Fëmijëve-AKF dhe Grupin Monitorues Respect Our Rights-ROR-ROR, në fushën e të drejtave dhe përfshirjen aktive të tyre në vendimmarrje në nivel lokal dhe nacional.

Pjesë e rëndësishme e programit është ngritja e kapaciteteve, fuqizimi dhe zhvillimi i grupit të fëmijëve ROR dhe nga Asambletë komunalë të fëmijëve në monitorimin e zbatimit të Konventës Ndërkombëtare mbi të Drejtat e Fëmijëve në Kosovë dhe mbrojtjen e interesit me të mirë ë fëmijës duke i bërë pjesë të proceseve dhe politikave vendimmarrëse në nivel lokal e nacional .

III. Objektiva

Në kuadër të kësaj fushe, Syri i Vizionit kërkon të angazhojë një Ekspert/e (ekspert në fushën përkatëse) për zhvillimin e e strategjisë së brendshme të organizatës mbi nevojat e fëmijëve në fushën e mbrojtjes dhe qeverisjes më të drejtat e tyre dhe përfshirjen e drejpërdrejtë në vendimarrje të tyre në vendimarrje.

IV. Angazhimi i Ekspertit/es

Qëllimi i këtij angazhimi është “Përditësimi i Strategjisë së brendshme të organizatës në Mbrojtjen e Fëmijë ”, duke hartuar kështu strategjinë e re katër vjeçare (2023-2027) . Përditësimi i kësaj strategjie do të bëhet përmes punëtorisë me stafin tematik të fushës në kuadër të organizatës dhe stafin tjetër qe pjesë e punës së tyre janë edhe përmirësimi i pozitës së fëmijëve dhe përmirësimi i shërbimeve për ta nga ana e institucioneve përgjegjëse si dhe përfaqësuesit e grupeve të fëmijëve.

V. Kualifikimi i nevojshëm:

- Diplomë Universitare në departmentin e Psikologjisë dhe Pedagogjisë, Punë dhe/ose Mirëqenie Sociale, apo fushë të ngjashme në shkenca sociale (kualifikimi Master dhe edukimi profesional/joformal në këtë fushë është përparësi);
- Dokumentimi i përvojës së punës në hartimin e strategjive dhe planeve të punës dhe raporteve të nxjerra nga hulumtimet që kanë të bëjnë më mbrojtjen e fëmijëve nga dhuna dhe ndëshkimi trupor;
- Njohuri për parimet e të drejtave të fëmijëve të bazuara në KDF dhe KB;
- Shkathtësi të mira në të shkruar dhe të folur të gjuhës shqipe dhe angleze.

VI. Detyrat dhe Përgjegjësitë:

Nga Eksperti/ja i/e angazhuar pritet:

- Përgatitja e planit të punës, përfshirë metodologjinë, për këtë angazhim dhe zhvillimi i materialeve të nevojshme për punëtorin, bazuar në strategjinë aktuale, si dhe të dalat nga raporti “Baseline Study” dhe “Mekanizmat miqësor në shkollë për raportim të dhunës ndaj fëmijëve” të zhvilluar nga SiV ;
- Udhëheqja e punëtorisë tri-ditore me afatin e organizatës dhe hartimi i draftit të parë të të strategjisë së përditësuar me rekomandimet dhe sugjerimet e dala nga punëtorin;

- Dorëzimi i draftit të parë tek SiV, jo më vonë se pesë (05) ditë pas mbajtjes së punëtorisë për rishikim nga SiV dhe SCiK;
- Përditësimi i komenteve dhe sygjërimeve të dala nga ana e Stafit t SiV dhe SCiK dhe dorëzimi i drafiti final për aprovim tek SiV jo më vonë se tre (3) ditë pune pas pranimit të komenteve;
- Dorëzimi i raportit me shkrim tek SiV jo më vonë se pesë (5) ditë pune pasi të jetë aprovuar dokumenti në fjalë .

VII. Angazhimi i Ekspertit/es:

Eksperti/ja do të angazhohet me anë të një kontrate për shërbim me Syri i Vizionit- nën koordinimin e Menaxherit të Financave dhe Administratës. Në këtë kontratë do të përcaktohen në mënyrë specifike pikat të cilat nuk janë të përfshira në këtë dokument. Angazhimi do të bëhet gjatë muajit Maj, në bazë ditore, ku do të përfshihen aktivitetet e mëposhtme:

Detyrat	Kohëzgjatja
Familjarizimi me materialet e brendshme të SiV dhe përgatitja e të gjitha materialeve dhe agjendës së punëtorisë	3 ditë
Mbajtja e punëtorisë me stafin e organizatës	3 ditë
Përgatitja dhe dorëzimi i draftit të parë të Strategjisë	2 ditë
Inkorporimi i komenteve dhe sygjërimeve dhe dorëzimi i dokumentit final të Strategjisë si dhe dorëzimi i raportit narrativ së bashku me timesheet	2 ditë
Gjithsej:	10 ditë

VIII. Kushtet e Pagesës:

Pagesa e ekspertit/es do të bëhet sipas kontratës përkatëse për kryerjen e shërbimeve dhe timeshet që do të plotësohen nga ai/ajo, ose do të përgatitet nga SiV e do nënshkruhet nga Eksperti/ja. Pagesa do të realizohet përmes transaksionit bankar në valutën Euro. Pagesa do të bëhet pas përfundimit me sukses të të gjitha trajnimeve dhe dorëzimit të dokumenteve të përcaktuara me ToR.

Në bazë të ligjit të Kosovës, Syri i Vizionit është po ashtu i obliguar që të paguajë tatimin (taksa dhe Pension) prej 10% të shumës bruto. Shpenzimet e ushqimit gjatë trajnimeve do t'i mbulojë organizatori.

IX. Dokumentet e kërkuara dhe procedura për aplikim:

1. Kopja e diplomës universitare (ndonjë certifikatë e licencimit nga institucioni përgjegjës konsiderohet përparësi);
2. Përshkrimi i metodologjisë së punës, duke përfshirë planifikimin e procesit të zhvillimit të materialeve për punëtorin dhe mbajtjen e punëtorisë;
3. Një letër motivuese ku përfshihet përvoja e punës dhe ekspertiza që ai/ajo mund të ofrojë në fushën e hartimit të strategjive dhe planeve të punës apo dokumenteve të ngjashme që kanë të bëjnë me mbrojtjen e fëmijës nga dhuna dhe ndëshkimi trupor në cdo ambient;
4. Një plan tentativ të punës;
5. Biografia - CV
6. Dëshmia që nuk keni të kaluar kriminale si dhe që nuk jeni nën hetime (ky dokument kërket vetëm nga eksperti/ja e perzgjedhur)
7. Propozimi financiar*

**Oferta financiare duhet të jetë e hollësishme për secilën punë që do të realizohet, duke përfshirë, zhvillimin e modulit dhe materialet e trajnimit, mbajtjen e trajnimeve dhe shkrimin e raportit.*

Aplikacionet duhet të dorëzohen në formë elektronike në e-mail adresën:
office@syriivizionit.org ose naser.lajqi@syriivizionit.org me subjektin: Ekspert për Zhvillimin e Strategjisë së brendshme të organizatës për Mbrojtjen e Fëmijës.

Afati i fundit për dorëzimin e aplikacionit është me datë: 28 Prill 2023, ora 16:00.

Vetëm kandidatët e suksesshëm do të kontaktohen!